

SESIÓN ORDINARIA CELEBRADA POLO PLENO DO CONCELLO O DÍA

27 - ABRIL - 2006

ORDE DO DÍA

- 1.- APROBACIÓN DA ACTA DA SESIÓN ANTERIOR.
- 2.- DAR CONTA SOLICITUDE SUBVENCIÓN, AO ABEIRO DA ORDE DE 8 DE MARZO DE 2006, PARA PRESTACIÓN DE SERVIZOS SOCIAIS POLAS CORPORACIÓNS LOCAIS.
- 3.- CAMBIO DE USO DAS VIVENDAS ESCOLARES A AULAS, SITAS DENTRO DO RECINTO ESCOLAR DO COLEXIO PÚBLICO DE EDUCACIÓN INFANTIL E PRIMARIA DE PORTOCABEIRO.
- 4.- DESAFECCTACIÓN DAS VIVENDAS ESCOLARES Nº 24 E 26 DA AVDA. MENDIÑO.
- 5.- CONCESIÓN DEMANIAL DIRECTA DUNHA PARCELA EN CIDADELLE PARA CENTRO CULTURAL
- 6.- ALLEAMENTO, MEDIANTE CONCURSO CON PROCEDEMENTO ABERTO, DUNHA PARCELA DO PATRIMONIO MUNICIPAL DO SOLO, SITA NO LUGAR DAS ANTIGAS NAVES DE REGOJO.
- 7.- ACTIVIDADE DE CONTROL DO PLENO:
 - 7.1.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.
 - 7.2.- MOCIÓNS.
 - 7.3.- ROGOS E PREGUNTAS.

Na Casa do Concello de Redondela, sendo as vinte horas do día vinteseite de abril de dous mil seis, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, Dª. MÓNICA CARREIRA COUÑAGO, Dª. CARMEN RODRÍGUEZ CUNHA, D. CARLOS GONZÁLEZ FERNÁNDEZ, D. MANUEL IGLESIAS CARRERA, Dª. FRANCISCA CANAL GÓMEZ, D. JUAN TIZÓN CABALEIRO, D. FERMÍN ALFAYA PAZ, D. ANTÓN DÍAZ MOURELLE, Dª. Mª DEL CARMEN AMOEDO DASILVA, D. JAIME DARRIBA VILAS, D. XOSÉ CARLOS PAZOS DOCAMPO, Dª. CECILIA PÉREZ ORXE, Dª. PURIFICACIÓN SERRANO CAVIEDES, D. ALEJANDRO BASTOS FERNÁNDEZ, Dª. HERMINDA QUELLE FERNÁNDEZ, e D. MANUEL PÉREZ PARDO, tamén asistiu o Sr. Interventor Xeral do Concello D. MODESTO SOLLA SANZ, actuando como Secretario, o Secretario Acctal., D. BERNARDO SOTO LÓPEZ, constitúese o Pleno do Concello, en sesión ordinaria, conforme á convocatoria e de acordo coa Orde do Día.

Non asiste, excusando a súa ausencia, os concelleiros/as Dª. LAURA LAGO ALLER, e D. RODOLFO PATO GARCIA

INCIDENCIAS.-

Con carácter previo no tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-



(Selo da Corporación)

(Sinatura do Presidente)

Folio N.º 106

Serie A N.º 1177966

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.- APROBACIÓN DA ACTA DA SESIÓN ANTERIOR.-

Non se formulan observacións, e o Pleno do Concello, en votación ordinaria e por unanimidade dos/as seus membros presentes, sendo dezanove votos a favor (7 do PSdeG-PSOE, 6 do PP, 3 do BNG, 2 de RA e 1 de EU-IU), acorda prestar aprobación ó acta da sesión celebrada con carácter ordinario o día **30 de marzo de 2006.-**

2.- DAR CONTA SOLICITUDE SUBVENCIÓN, AO ABEIRO DA ORDE DE 8 DE MARZO DE 2006, PARA PRESTACIÓN DE SERVIZOS SOCIAIS POLAS CORPORACIÓNS LOCAIS.-

ANTECEDENTES.-

Resolución da Alcaldía de data 17 de abril de 2006, que transcrita dí:

"Vista a Orde de convocatoria da Vicepresidencia da Igualdade e do Benestar do 8 de marzo de 2006, pola que se regulan as bases polas que se rexerá a concesión de subvencións destinadas á prestacións de servizos sociais polas corporacións locais e considerando esta Alcaldía que o Concello de Redondela é susceptible acollerse á convocatoria, a través do Departamento de Servizos Sociais, elaborouse unha memoria para tal fin.

Esta Alcaldía, RESOLVE:

Primeiro.- Solicitar ao amparo da citada Orde unha subvención de 231.298,72 euros, para o mantemento dos Servizos Sociais Municipais de Atención Primaria.

Segundo.- Que se someta a presente Resolución ao Pleno do Concello para que se proceda a súa ratificación."

Non se formulan observacións, e o Pleno do Concello, dase por enterado da Resolución da Alcaldía nos antecedentes transcrita.-

3.- CAMBIO DE USO DAS VIVENDAS ESCOLARES A AULAS, SITAS DENTRO DO RECINTO ESCOLAR DO COLEXIO PÚBLICO DE EDUCACIÓN INFANTIL E PRIMARIA DE PORTOCABEIRO.-

ANTECEDENTES.-

Dictame da Comisión Informativa de Ensino e Participación Cidadá, de data 5 de abril de 2006, que transcrita dí:

"Fora da Orde do Día a Presidenta da Comisión somete a votación a seguinte proposta:

"Con data 31.03.2006 recíbese escrito da Delegación Provincial da Consellería de Educación e Ordenación Universitaria no que informa que se vai a proceder á transformación do colexio público de educación infantil e primaria de Portocabeiro cara ao comenzo do curso 2006-07.

Para levar a cabo o indicado no parágrafo anterior solicitan a aprobación, polo Pleno do Concello, da

autorización para cambiar o uso das vivendas escolares, situadas dentro do recinto escolar, a aulas.

Á vista do anteriormente exposto e debido que o uso segue estando destinado a Educación, esta Concelleira, PROPÓN:

Punto único.- Autorizar á Delegación Provincial da Consellería de Educación e Ordenación Universitaria para cambiar o uso das vivendas escolares situadas dentro do recinto escolar do colexio público de educación infantil e primaria de Portocabeiro a aulas".

A proposta resulta aprobada pola unanimidade das/os membros presentes."

VOTACIÓN E ACORDO.-

Sometido o asunto a votación, o Concello Pleno acorda por unanimidade dos seus membros presentes, sendo dezanove votos a favor (7 do PSdeG-PSOE, 6 do PP, 3 do BNG, 2 de R.A. e 1 de EU-IU), aprobar o dictame da Comisión Informativa de Ensino e Participación Cidadá nos antecedentes transcrito.-

4.- DESAFECTACIÓN DAS VIVENDAS ESCOLARES Nº 24 E 26 DA AVDA. MENDIÑO.-

ANTECEDENTES.-

Dictame da Comisión Informativa de Ensino e Participación Cidadá, de data 21 de abril de 2006, que transcrito dí:

"A Presidenta da Comisión somete a votación a seguinte proposta:

Antecedentes.- Con data 13.10.1998 dítase resolución iniciando expediente de desafectación das vivendas escolares sitas na Avda. Mendiño e con data 03.12.1998 o Concello Pleno acorda solicitar da Consellería de Educación a desafectación entre outras das vivendas escolares da Avda. Mendiño números: 2, 4, 8, 10, 16, 18, 20, 22, 24 baixo esquerda, 24 baixo dereita, 24 1º esquerda, 24 2º dereita, 26 baixo esquerda, 26 baixo dereita, 26 1º dereita, 26 1º esquerda, 26 2º dereita e 26 2º esquerda.

A Consellería de Educación e Ordenación Universitaria mediante resolución de data 11.10.1999 autoriza a desafectación da vivenda número 22 da Avda. Mendiño, desautorizando as restantes.

Con data 03.12.2002 a Policía Local emite informe no que reflicte o estado de deterioro no que se atopan as vivendas números 24 e 25 da Avda. Mendiño. Con data 04.04.2003 o Xefe da Policía Local informa tamén do deterioro das vivendas números 24 e 26 da Avda. Mendiño e nas que pernoctan diariamente persoas ás que non se lle coñecen enderezos fixos.

Con data 02.05.2003 o Concello solicita a desafectación das vivendas escolares da Avda. Mendiño e con data 02.06.2003 remítese á Consellería de Educación e Ordenación Universitaria o acordo plenario de data 22.05.2003 sobre a solicitude da desafectación.

A Consellería de Educación e Ordenación Universitaria con data 17.10.2003 desautoriza a desafectación das vivendas escolares sitas nos números 24 e 26 da Avda. Mendiño.

Situación actual.- Na actualidade as vivendas escolares sitas na Avda. Mendiño atópanse desocupadas e non son utilizadas para fins educativos, atopándose en estado de deterioro que posibilita a entrada de persoas para pernoctar ou realizar actos vandálicos. Asemade a súa precariedade pode causar situacións de risco para as persoas que transiten nas súas proximidades.

Por todo o anteriormente exposto, esta Concelleira propón a autorización da desafectación das



Serie A N.º 1177967

vivendas escolares sitas nos números 24 e 26 da Avda. Mendiño afectas ao servizo público, debido a que hai moito tempo que non se adican a este destino e no seu estado actual supoñen unha situación de risco para destinalas a fins sociais e culturais.

A proposta resulta aprobada pola unanimidade das/os membros presentes."

VOTACIÓN E ACORDO.-

Sometido o asunto a votación, o Concello Pleno acorda por unanimidade dos seus membros presentes, sendo dezanove votos a favor (7 do PSdeG-PSOE, 6 do PP, 3 do BNG, 2 de R.A. e 1 de EU-IU), aprobar o dictame da Comisión Informativa de Ensino e Participación Cidadá nos antecedentes transcrito.-

5.- CONCESIÓN DEMANIAL DIRECTA DUNHA PARCELA EN CIDADELLE PARA CENTRO CULTURAL.-

ANTECEDENTES.-

Dictame da Comisión Informativa de Economía, Facenda e Patrimonio, de data 20 de abril de 2006, que transcrita dí:

"Vista a proposta da Alcaldía de data 19.04.06, que transcrita dí:

Despois de sucesivas conversas con representantes da Asociación Centro Cultural e Deportivo de Cidadelle, inscrita no rexistro provincial co número 2001/005670-1, se prantexou por ésta ao Concello a posibilidade de que se lle outorgue unha concesión de dominio público sobre a parcela do antigo preescolar de Cidadelle, de 491,66 m2 que se atopa incluída no Inventario Municipal de Bens co nº de orde do inventario 88, clasificada polas Normas Subsidiarias do planeamento urbanístico vixentes en Redondela como solo urbano residencial e calificada como solo dotacional público (equipamento sociocultural). O compromiso da asociación será construír na mesma e as súas expensas un centro socio cultural para uso e disfrute dos veciños da zona especialmente e xestionalo durante o tempo que se determine.

No citado predio existe unha construción vella, na que se ubicaba o centro escolar que de feito ven sendo utilizada pola devandita asociación para as súas actividades que sería demolida para construí-lo novo centro.

Dende o Concello se realizaron as actuacións necesarias para posibilita-la concesión, consistentes en primeiro lugar na desafectación do ensino da edificación existente e, en segundo, na afectación urbanística ao uso de equipamento socio-cultural. Ámbalas dúas actuacións posibilitaron xuridicamente a construción do centro, para o cal se encargou o correspondente proxecto elaborado polos arquitectos D. Antonio José Abal Medina e D. Marcos Matilde Gómez, visado polo COAG o 23 de febreiro de 2006 que foi informado favorablemente polo arquitecto do Concello o 10 de marzo pasado. Tamén se celebraron conversas previas cos representantes da devandita asociación co obxecto, entre outros extremos, de flexibilizar e facilitar ao máximo as condicións de ingreso na asociación por parte de tódolos veciños que poidan estar interesados, reflexadas no artigo 6 dos Estatutos.

Considerando que, por unha banda, o Concello carece de medios suficientes para atende-las necesidades socio-culturais da zona tendo en conta o investimento que representa a construción do centro sociocultural, cun orzamento de execución material de 223.370,50 euros e, por outra banda se considera axeitado que aquelas necesidades se xestionen polos propios veciños por medio da citada Asociación, razón pola que non se considera necesario promover concorrencia.

Votación e dictame:

A Comisión Informativa de Economía, Facenda e Patrimonio, co voto favorable dos/as Sres./as Concelleiros/as dos Grupos Municipais do PSdeG-PSOE (3), do BNG (2), do Grupo Mixto (1) e do grupo municipal RA (1), e a abstención do Grupo Municipal do PP (2), dictaminou favorablemente a Proposta da Alcaldía antes citada, e na súa consecuencia estimou oportuno propoñer ao Concello Pleno, a adopción dos seguintes acordos:

1.- Resolve-los reparos do informe do Sr. Interventor Xeral con referencia T 41/06 de data 19.04.06.

2.- Aproba-lo proxecto para centro cultural en Cidadelle elaborado polos arquitectos D. Antonio José Abal Medina e D. Marcos Matilde Gómez, visado polo COAG o 23 de febreiro de 2006 (memoria descriptiva e planos rectificadas) e o 28 de xuño de 2005. A presente aprobación, unha vez formalizada a concesión demanial do predio, conleva o outorgamento da correspondente licencia de obra e apertura a favor da asociación concesionaria.

3.- Aproba-las cláusulas administrativas e técnicas do procedemento de adxudicación da concesión demanial directa da parcela do antigo preescolar de Cidadelle de 491,66 m2 que se atopa incluída no Inventario Municipal de Bens co nº de orde do Inventario 88, a favor da Asociación Centro Cultural e Deportivo de Cidadelle, inscrita no rexistro provincial co número 2001/005670-1.

4.- Someter o expediente a información pública durante 30 días para os efectos de presentación de alegacións, facéndose constar expresamente que, caso de non presentarse ningunha ós presentes acordos, consideraranse definitivos sen necesidade de novo acordo."

VOTACIÓN E ACORDO.-

Sometido o asunto a votación, o Concello Pleno acorda co quorum da maioría absoluta do número legal dos seus membros, sendo dezanove votos a favor (7 do PSdeG-PSOE, 6 do PP, 3 do BNG, 2 de R.A. e 1 de EU-IU), aproba-lo dictame da Comisión Informativa de Economía, Facenda e Patrimonio, nos antecedentes transcrito.-

6.- ALLEAMENTO, MEDIANTE CONCURSO CON PROCEDIMIENTO ABERTO, DUNHA PARCELA DO PATRIMONIO MUNICIPAL DO SOLO, SITA NO LUGAR DAS ANTIGAS NAVES DE REGOJO.-

ANTECEDENTES.-

Dictame da Comisión Informativa de Economía, Facenda e Patrimonio, de data 20 de abril de 2006, que transcrito di:

"Vista a proposta da Alcaldía de data 18.04.06, que transcrita di:

Considerando que polo pleno do Concello, en data 27 de xaneiro de 2006 se adoptou o acordo de aproba-lo prego de cláusulas administrativas particular que rexerán o alleamento da seguinte parcela, propiedade do Concello de Redondela:

Parcela núm. 1 do proxecto de compensación elevado a público pola entidade "PROFARO TERRENOS, S. L.", mediante escritura pública formalizada o 27 de xuño de 2005 diante do notario de Redondela, D. Fernando Olmedo Castañeda co número 1.164 do seu protocolo. Ocupa unha superficie de CATROCENTOS CATRO (404) m2, e linda: norte, sur e oeste, sistema viario delimitado na parcela nº 9 do mesmo proxecto; este, zona verde pública integrada na parcela nº 7 e sistema viario delimitado na parcela nº 9. Inscrita no Rexistro da Propiedade de Redondela Finca nº 3133, folio 108, libro 282, tomo 624 do arquivo.

Considerando que despois de publicitado o alleamento no Diario Oficial de Galicia nº 32 do 15 de febreiro de 2006 e no Boletín Oficial da Provincia nº 33 do 16 de febreiro e percorrido o prazo previsto para a



(Sinatura do Presidente)

Folio N.º

108

Serie A N.º 1177968

presentación de proposicións, non se presentou ningunha.

Emitido novo informe polo Arquitecto do Concello no que fai constar que feitas diversas consultas verbais a axentes inmobiliarios, comunicanme que o prezo da parcela concursada está dentro da "orquilla" de mercado, pero son os prezos máximos de venda de vivendas e prazas de garaxe o que está baixo e provocou a non presenza de ofertas". A partir de aí, confirma o valor mínimo do predio (**970.084,80 euros**, IVE incluído) pero sinala que o prezo máximo de venda das vivendas, que pode ser mellorado á baixa polos licitadores, sería de 2.200 €/m2 construído, o que equivale a 2.400 €/m2 útil. Polo que respecta ás prazas de garaxe, establécense uns 18.000 €/praza.

Considerando que se estima preciso proceder ao seu alleamento, ao abeiro do previsto no artigo 177 da Lei 9/2002 do 30 de decembro de Ordenación Urbanística e Protección do Medio Rural de Galicia, modificada pola Lei 15/2004 de 29 de decembro (LOUGA).

Elaborado o prego de cláusulas administrativas particulares que rexerán o alleamento.

Votación e dictame:

A Comisión Informativa de Economía, Facenda e Patrimonio, co voto favorable dos/as Sres/as Concelleiros/as dos Grupos Municipais do PSdeG-PSOE (3), do BNG (2) e do Grupo Mixto (1), e a abstención do Grupo Municipal do PP (2), e do Grupo Municipal RA (1), dictaminou favorablemente a Proposta da Alcaldía antes citada, e na súa consecuencia estimou oportuno propoñer ao Concello Pleno, a adopción dos seguintes acordos:

1.- Modifica-la cláusula 6ª do prego de cláusulas administrativas particulares que rexerán o alleamento, tal e como foi aprobado polo pleno do Concello o pasado 27 de xaneiro, facendo constar que o prezo máximo das vivendas será de **2.400 €/m2 útil** no lugar dos 1.512 €/m2, previstos, e as prazas de garaxe **18.000 €/praza** máximo no lugar dos 10.000 €/praza previstos, quedando subsistentes, na súa redacción inicialmente aprobada, o resto das cláusulas incluídas no citado prego.

2.- Proceder a publicatala presente modificación no Boletín Oficial da Provincia e no Diario Oficial de Galicia, abríndose novamente o prazo para a presentación de proposicións no prazo previsto no devandito prego."

INTERVENCIÓNS.-

A concelleira SRA. CANAL GÓMEZ, anuncia a abstención do seu grupo político, mantendo o criterio expresado en anterior sesión plenaria con respecto ó destino das vivendas, das que dí, nun 50% deben destinarse a vivendas sociais e vivendas para xoves.

VOTACIÓN E ACORDO.-

Sometido o asunto a votación, o Concello Pleno en votación ordinaria e por maioría dos/as Sres./as Concelleiros/as presentes, sendo trece votos a favor (7 do PSdeG-PSOE, 3 do BNG, 2 de R.A. e 1 de EU-IU), e seis abstencións (6 do PP), acorda aproba-lo dictame da Comisión Informativa de Economía, Facenda e Patrimonio, nos antecedentes transcrito.-

7.- ACTIVIDADE DE CONTROL DO PLENO:

7.1.- DAR CONTA DE RESOLUCIÓN DA ALCALDÍA E CONCELLEIROS DELEGADOS.-

O Concello Pleno dase por enterado do contido das Resolucións da Alcaldía e dos Concelleiros

Delegados dende o día 25 de marzo ó 21 de abril de 2006.-

7.2.- MOCIÓN.-

Pola concelleira SRA. CANAL GÓMEZ, dase lectura á seguinte moción por ela asinada, na súa condición de portavoz do Grupo Municipal do Partido Popular:

"Fai algunhas datas, enterámonos da solución adoptada pola Xunta de Galicia e mailo Ministerio de Fomento, no tocante á liberación da peaxe da autopista na súa saída de Cangas-Morrazo.

Independentemente de alabar ou non a solución adoptada, votamos en falta, que polo Goberno Local de Redondela, non se houbera participado nunha solución similar na saída de Rande-Redondela.

Tan só, polo Sr. Alcalde, saíuse á prensa dicindo que se buscaría o obter unha rebaixa no peaxe que actualmente se satisface en dita saída.

Esta solución, foi criticada moi duramente por diversos colectivos (Asociación de veciños de Chapela, Cedeira e Trasmañó, BNG, EU-IU, RA e outros) así como por este partido, por considerar que dita solución crearía unha situación inxusta, xa que, non pode ser que os veciños de o Morrazo teñan autopista gratuita, e os veciños de Redondela e a súa comarca, teñan que seguir pagando.

O anterior, unido ós graves prexuízos que a autopista ocasionou á parroquia de Chapela, coa división parroquial que produxo, así como a inexistencia dunha entrada con dirección a Vigo, é polo que este Grupo Municipal, solicita a aprobación en Pleno do seguinte ACORDO:

Que, polo Sr. Alcalde e o Goberno Municipal, se fagan as xestións oportunas ante o Ministerio de Fomento, Audasa e a Xunta de Galicia, a fin de obter a liberalización da peaxe en Rande-Redondela, buscando unha solución similar á adoptada na saída do Morrazo, pois o mantemento de dito peaxe o a súa rebaixa, suporía manter unha discriminación entre os cidadáns dun e outro lado da Ponte de Rande."

INTERVENCIÓNS.-

O Sr. Pérez Pardo dí que se admira da facilidade de reflexos do Partido Popular, porque despois de 16 anos de goberno na Xunta de Galicia presenta agora unha moción deste contido, demostrando unha verdadeira falta de memoria. Pregunta onde estaba o PP cando as movilizacións de tódolos colectivos e remata indicando o oportunismo e a incongruencia da presente moción, como foi, no seu día, a presentada con respecto á supresión de vos no Aeroporto de Peinador.

O Sr. Bastos Fernández dí que é inxusto pagar 0,65 euros pola peaxe Vigo-Redondela, polo que o seu grupo vai apoiar-la moción.

O Sr. Pazos Docampo dí que espera ver unha moción do Partido Popular condenando a guerra de Irak e que resulta unha falla de vergoña esta actividade do PP, que ten un complexo e debería cura-lo. Anuncia o apoio á moción porque está de acordo coa supresión da peaxe.

A Sra. Canal Gómez solicita que estas manifestacións consten en acta e o Sr. Alcalde respóndelle que estas expresións no debate non teñen transcendencia en ningunha corporación ou Parlamento.

O Sr. González Iglesias manifesta que hai que mirar para atrás, porque despois de 16 anos de goberno o Partido Popular tivo tempo suficiente para retirar-la peaxe e en lugar de facelo prorrogaron a concesión. Semella que tiveron que perder o goberno en Madrid e na Xunta para solicita-la supresión da peaxe.

Con respecto ao que no seu día formulou o Sr. Alcalde en relación á rebaixa na peaxe tratábase dunha



(Selo da Corporación)

(Sinatura do Presidente)

Folio N.º 109

Serie A N.º 1177969

cuestión de proporcionalidade entre a distancia quilométrica e o custe da autopista entre os tramos Vigo-Redondela e Vigo-Pontevedra. Remata anunciando o voto a favor do seu grupo político.

A Sra. Canal Gómez dí que están representando ó Partido Popular en Redondela, e o que teñan feito outras persoas non é da súa incumbencia.

Ó que o Sr. Alcalde dixo, no seu día, referíase a unha rebaixa da peaxe e o que tiña que pedir era a supresión.

Con respecto ao Sr. Pérez Pardo dí que durante a súa intervención non se sabe para onde mira, porque para ela non é.

En alusión á intervención do Sr. Pazos Docampo dí que a moción trata un tema actual e necesario, e que incompetencia política é traer ao pleno mocións sobre asuntos que corresponden á Xunta de Goberno. Fai referencia ao salario do Sr. Pazos Docampo como concelleiro, a que o BNG ten obediencia debida e remata manifestando que presentou libremente a moción para a que pide o apoio dos restantes grupos políticos.

O Sr. Pérez Pardo fai referencia a que hai un dito italiano que dí que moitas veces a sabiduría está en saber escoitar, e que esta virtude é incompatible coa Sra. Canal.

Con respecto ao das miradas dí que miro para quen quero e ao mellor acabo de saír do armario e miro para o Sr. Alcalde porque me gusta máis que vostede.

A Sra. Canal Gómez solicita que estas expresións consten en acta.

Continua o Sr. Pérez Pardo dicindo, en relación coa moción, que hai razóns propias que o Concello pode esgrimir sen necesidade de acudir ás do Morrazo e que o PP descubriu a pancarta fai 6 meses polo que van detrás de nos.

O Sr. Bastos Fernández solicita se fagan xestións ante a Xunta tendentes á supresión da peaxe.

O Sr. Pazos Docampo, en alusión á intervención da Sra. Canal Gómez, dí que a incoherencia política é do Partido Popular ao presentar esta moción, e que a presentada sobre o idioma que a faga en galego. Sobre a alusión ao seu salario dí que a Sra. Canal cobra 3 soldos da administración, e que cando queira debatimos sobre o tema. Reitera que apoiarán a moción.

O Sr. González Iglesias dí que a Sra. Canal Gómez ten un problema de memoria importante. Ó facer referencia na moción aos graves prexuízos que causou a autopista na parroquia de Chapela, coa división parroquial que produxo, olvídase que por aqueles anos gobernaba en Madrid xente máis cercana a vostede que a nos, e que cando a Sr. Canal gobernaba en Redondela non foron capaces de conseguila saída Rande-Puxeiros, como tampouco o foron de realiza-lo vial Pousadoura-Catro Pontes.

En canto á obediencia debida é un término militar propio nun partido político que nos meteu na guerra. Reitera o apoio á moción.

A Sra. Canal Gómez, con respecto á intervención do Sr. Pazos Docampo, dí que ela é a concelleira que menos cobra, e pide que se traian aquí as nóminas correspondentes e se comprobará. Continúa dicindo que está compatibilizada para cobrar dedicación parcial, dille ao Sr. Pazos que coide do seu entorno, e pregunta se as concelleiras funcionarias están compatibilizadas.

O Sr. Alcalde da, por alusións, a palabra á Sra. Pérez Orxe quen manifesta que si hai informes e que o horario dunha actividade non lle incide no da outra. Pide á Sra. Canal que non diga cousas que descoñece.

VOTACIÓN E ACORDO.-

Sometido o asunto a votación, o Concello Pleno acorda por unanimidade dos seus membros presentes, sendo dezanove votos a favor (7 do PSdeG-PSOE, 6 do PP, 3 do BNG, 2 de R.A. e 1 de EU-IU), aproba-la Moción transcrita.-

7.3.- ROGOS E PREGUNTAS.-

Pola Concelleira D^a. María del Carmen Amoedo Dasilva, se formulan os seguintes rogos:

- Que se adopten as medidas oportunas, para instar á Consellería de Política Territorial da Xunta de Galicia, para que resolva dunha vez o conflito que levou ó peche da Ponte de Xulián por parte do propietario dos terreos cedidos, xa que esta situación está a producir un grande perxuizo e unha situación de perigo para os transeuntes que se ven obrigados a ter que transitar pola calzada, nunca nacional, pola que de maneira continuada circulan os camións de gran tonelaxe.

Respóstalle o Sr. Alcalde dicindo que non hai terreos cedidos, houbo negociacións, sendo encomiable a labor da Asociación de Veciños de Reboreda. O que tiña que ter feito, no seu día, Política Territorial era expropiar. Actualmente estase en fase de expropiación dos terreos.

- Que se adopten as medidas oportunas para a eliminación de barreiras arquitectónicas no acceso ó edificio do Concello, xa que por increíble que pareza en pleno século XXI, as persoas minusválidas non teñen acceso ó edificio, que se supón, que tódolos redondeláns teñen que ter acceso.

Respóstalle o Sr. Alcalde que hai unha petición de subvención formulada ante a Consellería da Presidencia para instalación dun ascensor na Casa do Concello. Cando se conceda realizaranse as obras indicadas na documentación técnica elaborada.

Pola concelleira SRA. CANAL GÓMEZ se formula a seguinte pregunta:

Téñense redactadas e publicadas unhas bases para a selección interina dun técnico medio de Administración Xeral, nas que a titulación esixida é diplomatura en dereito. Con arreglo a que disposición se esixe esta titulación, se a diplomatura en dereito non existe?

Repóstalle o Sr. Alcalde, que a diplomatura en dereito como título non existe, pero se considera equivalente a título de diplomado universitario ter superado tres cursos completos da licenciatura.

A Sra. Canal Gómez, solicita informe dos servizos xurídicos.

E, non habendo máis asuntos que tratar, pola Presidencia dase por rematada a presente sesión, sendo as vinte horas e corenta e cinco minutos da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 105 do Papel Timbrado da Comunidade Autónoma de Galicia, Serie A nº 1177965 ata a volta do folio núm. 109, Serie A nº 1177969, de todo o que, como Secretario, DOU FE.-

O ALCALDE

XAIME REI BARREIRO

O SECRETARIO ACC^{AL}

BERNARDO SOTO LOPEZ